

Ո Ր Ո Շ ՈՒ Մ N 24

/մաքսային վճարների գանձման վերաբերյալ/

<<15>> մայիսի 2014թ.

ք. Երևան

ՀՀ ԿԱ Պետական եկամուտների կոմիտեի ՄՃՓ տ/մ պետ Բ. Սարգսյանս, ուսումնասիրելով <<Արևա դիզայն որքշոփ>> ՍՊԸ-ի կողմից 09.06.2011թ.-ին <<Ներմուծում՝ ազատ շրջանառության համար>> մաքսային ռեժիմով ձևակերպված օգտագործված կարի մեքենաների մաքսային ձևակերպման փաստաթղթերը

Պ Ա Ր Զ Ե Ց Ի

09.06.2011թ. <<Արևա դիզայն որքշոփ>> ՍՊԸ-ի անունով թիվ C-5079 ԲՄՀ-ով <<Ներմուծում՝ ազատ շրջանառության համար>> մաքսային ռեժիմով հայտարարագրվել է 3 հատ օգտագործված կարի մեքենաներ, որոնց ԱԱՀ-ի գումարի վճարումը համաձայն <<Ավելացված արժեքի հարկի մասին>> ՀՀ օրենքի 6.1-րդ հոդվածի հետաձգվել է մինչև 09.06.2012թ., սակայն սահմանված ժամկետում ներմուծված ապրանքների մասով մաքսային մարմինների կողմից հաշվարկված ԱԱՀ-ի գումարը չի վճարվել:

Հայտարարագիրը 09.06.2011թ. ընդունվել է մաքսային մարմնի կողմից, ինչի կապակցությամբ հայտարարագրի վրա նշվել է հայտարարագրի ընդունման համարը և ամիս, ամսաթիվը: ՀՀ ՄՕ 25-րդ հոդվածի համաձայն՝ «Ներմուծում՝ ազատ շրջանառության համար» մաքսային ռեժիմի շրջանակներում օրենքով սահմանված չափով և դեպքերում գանձվում են մաքսային վճարներ: 09.06.2011թ. թիվ C-5079 ԲՄՀ-ով <<Ներմուծում՝ ազատ շրջանառության համար>> մաքսային ռեժիմով հայտարարագրված օգտագործված կարի մեքենաների համար ենթակա է վճարման սահմանված կարգով հետաձգված ավելացված արժեքի հարկ և ավելացված արժեքի հարկի տույժ:

<<Ավելացված արժեքի հարկի մասին>> ՀՀ օրենքի 6.1-րդ հոդվածի 3-րդ կետի 2) ենթակետի համաձայն ԱԱՀ-ի վճարման հետաձգման ժամկետը դադարելու օրվան հաջորդող տասնօրյա ժամկետում՝ մաքսային մարմինների կողմից հաշվարկված ԱԱՀ-ի գումարները վճարվում են պետական բյուջե: <<Հարկերի մասին>> ՀՀ օրենքի 23-րդ հոդվածի համաձայն՝ հարկի վճարումը սահմանված ժամկետից ուշացնելու դեպքում ժամկետանց յուրաքանչյուր օրվա համար հարկ վճարողը վճարում է տույժ՝ ժամանակին չմուծված հարկի գումարի 0.15%-ի չափով:

Հիմք ընդունելով <<Արևա դիզայն որքշոփ>> ՍՊԸ-ի կողմից ներկայացված C-5079 հայտարարագիրը, հայտարարագրված ապրանքների համար 12.05.2014թ. դրությամբ ՀՀ պետական բյուջե ենթակա են վճարման **45247 դրամ** ԱԱՀ և **24772 դրամ** ԱԱՀ-ի տույժ:

Ելնելով վերոգրյալից և ղեկավարվելով ՀՀ մաքսային օրենսգրքի 25-րդ, <<Ավելացված արժեքի հարկի մասին>> ՀՀ օրենքի 6.1-րդ, և <<Վարչարարության հիմունքների և վարչական վարույթի մասին>> ՀՀ օրենքի 53-րդ և 58-րդ հոդվածներով՝

Ո Ր Ո Շ Ե Ց Ի

1. <<Արևա դիզայն որքշոփ>> ՍՊԸ-ից հօգուտ պետ. բյուջեի գանձել **70019 դրամ**, որից **45247 դրամ** ԱԱՀ-ի գումար և **24772 դրամ** ԱԱՀ-ի տույժի գումար:
2. Որոշման մասին օրենքով սահմանված կարգով տեղյակ պահել <<Արևա դիզայն որքշոփ>> ՍՊԸ-ին:

Որոշումն ուժի մեջ է մտնում այն ստանալու պահից և <<Վարչարարության հիմունքների և վարչական վարույթի մասին>> ՀՀ օրենքի 10-րդ գլխի նորմերին համապատասխան կարող է վեցամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով վարչական դատարան:

Որոշումը կամավոր չկատարվելու դեպքում այն կկատարվի <<Դատական ակտերի հարկադիր կատարման ծառայության>> միջոցով՝ պարտապանի հաշվին:

ՄՃՓ տ/մ պետ

Բ. Սարգսյան